

全唐文



欽定全唐文卷八百三十五目錄

錢珣五

代集賢崔相公謝賜官誥表

代集賢崔相公謝賜官誥表


代集賢崔相公謝賜官誥表

代宰相謝示白野鵲表

代宰相宣示白鵲白鸚鵡表

代宰相謝賜布帛表

嘉會節宰相謝酒食表



金定全厚
卷之三
代宰相謝降朱書御札表

代史館王相公謝令樞密使宣諭奸邪表

爲西川崔僕射謝卻赴劍南表

代戶部孫相公謝授兄太常卿表

爲宰相謝內宴表

爲兩省官謝內宴表

代兵部崔相公謝追贈三代表

代兵部崔相公謝追贈三代表

爲皇甫懷州讓官表

爲集賢崔相公讓大學士表

第二表

第三表

承事員外郎公贈太學士表

漢一表 在相公謝道則一表表

第二表 在相公謝道則一表表

為兩省中書侍郎表

為宰相兼中書侍郎表

為宰相兼中書侍郎表

為宰相兼中書侍郎表

為宰相兼中書侍郎表

為宰相兼中書侍郎表

欽定全唐文卷八百三十五

錢珣

五

代集賢崔相公謝賜官誥表

臣某言伏奉聖慈賜臣某階某官食邑若干戶官誥一通者臣某中謝臣伏以周官所建冢宰是先進階陛之名增井賦以數重在彝典合爲渥恩冒寵以來偷安而處不能退讓方懼滿盈詎謂陛下每顧舊章必加優禮雅誥旣垂於綸綍侍臣忽降於宮闈五彩相鮮且成文於潤飾萬鈞比重幾無力以捧持聚族咸觀省躬何稱遭遇莫酬於君

父寶藏空戒於子孫竊視權衡惟思砥礪臣某無任感恩
荷聖激切惶越之至宮闈正深昧竊且敢文於國論萬

聖代集賢崔相公謝賜官誥表

必誠必盡

臣某言今月某日賜臣某官誥一通者臣某中謝臣敢謂
皇慈仍加霈澤固讓而丹誠莫遂退思而元造寧酬今者
特降近臣遽臨私室琅函乍啟捧持空耀於微躬寶軸載
觀燦爛仍驚於衆目榮光併集舒卷不遑難勝黼黻之文
何補變調之任唯當千慮以荷萬幾見可而進之謀知無
不為之力用裨至理庶奉休期仰戴聖慈臣某無任省已

感恩之至
代集賢崔相公謝賜官誥表

臣某言臣先蒙恩命授集賢殿大學士今日某日中使至
忽承霈澤降自重霄再披五色之文若戴千鈞之重臣某
中謝伏惟尊號皇帝陛下求衣待旦側席視朝方致理於
雍熙每仰成於輔相臣自慚竊位唯懼曠官未獲避賢何
堪假寵爰驚瑣質更被鴻私提玉鉉於中台已憂公餽總
石渠之祕署兼集羣才當文德之大朝實名儒之大任今
者遽頒雅誥益示皇慈兼命王人且臨私第琅函乍啟光

凝紫府之烟寶軸潛舒潤帶金盤之露空知焜耀無報睿
明臣某無任荷聖感恩兢懼之至

代宰相謝示白野鵲表

臣某等言今月某日高品張師道至奉宣聖旨示臣等涇
州所進白野鵲者臣聞白爲正色鵲實靈禽在五行而賦
稟金精於衆鳥而有殊羽族臣某中謝伏惟尊號皇帝陛下
下應上天之道必順五行遂萬物之情非徒衆鳥宜獲降
祥之類以昭致理之心是以素翼流光丹眸耀衆俄呈瑞
質能弄好音應圖牒以自來詎網羅之所得諸侯入獻史

氏明書寧同集樹之鳥堪並紀年之雀方開景運實契禎
符臣某等謬贊皇猷竊觀神貺無任賀聖歡忭之至

代宰相宣示白鵲白鸚鵡表

臣某等言今月某日高品張徒羽至奉宣聖旨示臣某物
者至化無私殊祥畢萃既光史策允叶元符臣某中謝伏
以西方主白金氣應秋故靈禽頻見於塞垣元貺實昭於
人事遂使載飛之類皆呈受采之姿以物窺天知天感聖
犬戎柔服必無犯於西方禾黍豐登將有成於金象假茲
毛羽降彼藩隅既來獻於帝居獲同觀於公府何能翼戴

徒荷休明臣等無任舞詠聳抃之至

代宰相謝賜布帛表

臣某言今月某日中使某至奉宣聖旨賜臣布一千疋絹
二千疋者臣某誠哀誠感頓首頓首臣災集衰門禍貽諸
父執禮既循於經典成喪將服於冠裳何言臣子之情必
軫君親之念近效承命飛星忽降於重霄寵數有章束帛
載頒於內府哀榮曲被跪受難勝上感聖慈臣無任涕泣
惶越之至

嘉會節宰相謝酒食表

右伏以香火至誠祝後天於萬歲弦匏飾喜會率土於三
春敢望宸衷恩隆輔弼王人遞降寵錫爰加酒醞繼陳炮
燔兼至名茶馥郁嘉果駢羅嘗珍而食指先驚敢忘盈滿
竊位而憂心已醉寧待獻酬仰望睿慈臣某等無任兢感
懼忭屏營之至

代宰相謝降朱書御札表

臣某言今月某日中使某至奉宣聖旨頒示御札以貶黜
張道古事更令申誥中外者聖旨昭垂羣情胥悅臣某中
謝臣伏念元和中吏部侍郎韓愈因陳佛骨遂拜封章以

爲前古奉佛帝王年代猶促憲宗以人臣去就乖忤非輕
震怒所臨遂竄荒裔憲宗英主韓愈名臣典記可行事無
不順今張道古狂瞽所獻斥犯非常凡曰在庭皆知難恕
深宏睿哲且欲含容雖匿瑕之道則然於犯上之名斯重
臣等請行譴逐陛下尚顧物情宸翰所臨皇言曲被盡賀
爲君之盛咸知六德之能捧戴聖慈如親丹宸臣某等無
任銘篆兢越榮感之至

代史館王相公謝令樞密使宣諭奸邪表

臣某等言臣嘗讀漢史竊見上官桀桑宏羊皆惡霍光之

忠於王室也欲奪其權遂詐爲燕王上書言光將有非常之變而昭帝知其詭詐欲害賢良顯發怒言保明元輔識者以爲漢昭之聰睿遠過周成臣等每閱其書實感其事以爲後代不復有之今月某日獲延英奏事親奉聖言且以陛下深懼艱屯欲清教化寤亂階於前事窮蠹本於小人旣已誅鋤方期屏絕而常有技術賤微之輩班行險躁之徒潛結詭謀輒投邪隙且相援引遂有譖傷間諜滋深根株甚鉅而聖心不動睿鑒有融盡辨讒諛靡容交亂致臣於不疑之地知彼有禍人之心且赫揚於斯必令懲革

覬於左右永杜奸邪臣等且懼且驚載思載感還至公府
未知所安樞密使某等又至中書備傳睿旨伏知是李遂
劉達等共謀推薦李潔秉政因此大惑天聽君臣之所難
聞乾坤之所共棄有李遂之奏肆志巧言而陛下不以爲
疑祇以爲怒凡所布諭必盡洪纖某等復宣陛下之言不
惟保任臣等兼欲擊斷此輩彰明我心臣等稟命而思激
情以泣自有邦國誰無君臣今此讒邪忍施陷穽密構於
一夫之口何術可知潛行於萬乘之前何人敢辨雖陛下
察之不惑隱之不言有此釁端加於輔相臣之寤寐將至

驚狂一旦親奉堯言俾行漢律使罪人斯得餘纔自安復
使微臣必無他慮食馱馱者未足爲德喻媒孽者未足爲
辭李遂輩擠臣於不測之谿陛下賜臣以援溺之手誣臣
以難明之罪陛下諭臣以必信之言彼昭帝之時漢家方
盛霍光之辨且有詐書今李遂得於艱苦之朝進傾危之
說宸聰之外孰可得聞則臣等塗汙一浸江漢難濯歿爲
野土誰爲叫閻不有睿明焉知昭釋感入骨髓誓諸神祇
千拜首以何爲一剖心而始足惟當竭誠啟沃戮力弼諧
盡毀家紓難之謀繼圖國忘身之策尚疑丹悃未答皇私

錢定全庫文 卷一百三十五
荷聖感恩臣等無任抃蹈兢慄涕泣屏營之至

為西川崔僕射謝卻赴劍南表

臣某言自中使馬永倩送臣卻至所部漢川迴監軍中使孟遊仙等續發北面拜天南旋舊鎮望九門而彌遠顧三蜀而何情如丹之心具列前表庶明臣子之分以期君父之知臣某中謝臣四度興師每冬獻捷願將邊事親達宸聰比恐三軍阻臣行計潛裝密辦亦既經年上都贏糧傍路支費事皆前定誓衆遂行日望京闕天威咫尺豈知時乖運末屬彼外虞徵發之期指蹤又切進退難處彷徨以

還有心未明有口猶閉若捷之恥空思於堯舜戀主之誠
倍慙於犬馬臣知從事官王忻傳遙自經驅使積有歲時
言行惟一爲臣腹心當今切務具如別狀悉令密啟遠達
由衷伏乞聖慈俯迴神鑒仍賜容納許以畢辭天下幸甚
天下幸甚其有不載文墨更令附口奏聞皆是剗心所陳
豈爲億中之說倘可裨補雖死猶生區區赤實敢希萬一
臣以今月某日卻至成都訖整齊戎事即赴行營西藩動
靜續冀奏聞衆星微象長拱北辰勺水細流盡朝東海惟
臣不及飲恨何言無任感戀屏營之至謹奉表陳謝以聞

代戶部孫相公謝授兄太常卿表

臣某言伏奉今月某日勅命授臣親兄太常卿檢校右僕射者霈澤下臨私室相慶臣某誠歡誠荷頓首頓首臣兄某抱公藏器據德有隣爲善而不欲近名從政而但思利物自臣遽升台輔獲導化源雖向國去私戒臣常切而入門避事遠謗每深出趨垂拱之朝退務掩關之樂陛下禮行舟楫念及墳簞慰其友愛之懷進以優崇之秩伏以九卿之位歷代所尊舜以三禮命伯夷漢以奉常加稷嗣倚古則重得人始光用典之難敢言兄氏方懷慚惕忽荷皇

私而階峻銀青寵兼端揆喜溢在原之屬恩加當軸之臣
既激弼諧且宏名教股肱作輔莫成鎮撫之功手足相須
但有胼胝之誓臣無任愧竦之至

為宰相謝內宴表

臣某言臣聞古之王道美在詩人爰徵式宴之名則有鹿
鳴之什俎豆既列筐篚亦陳羣臣享而受之得使盡其心
也能追古道實在哲王臣某中謝伏惟尊號皇帝陛下聖
文有作臨照克明昨者以告見祖宗率兩宮而偕行重典
祈禱天地感百神而已報豐年方屬清和更宏慈惠遂當

暇日乃闢廣場旣接輔臣兼延卿士我心則悅洞開咫尺
之顏不醉無歸畢降獻酬之禮而又深形容旨新製樂章
但臣等忠則有思拙而無補陛下勉其翼戴播在弦歌竊
聽鏗鏘空知慚感爲恩如此何力可勝徒以宮殿飾同疑
文符混一舞成奇字更俟太平待季子之請觀笑吳宮之
教戰盡如解愠詎異聞韶況凡有嘉邊親令下筋臣細之
事指顧不違鴻私曲被於茲辰寵遇頗踰於往列仍蒙賜
賚且極纖華伏自侍宴已來還家自省燮理欲酬於元造
終乏嘉謨傳聞空徧於遠方彌光聖德君臣共樂史冊可

書臣某等無任荷恩涕感歡榮忭躍之至

為兩省官謝內宴表

臣某等言臣聞謂傾心於百辟向日雖同觀拱極於衆星在天各遠所以會朝之地每隔丹墀而燕私之嘉忽親黼宸注渥恩而則可求故實以未聞事出常倫感深庶位臣某等伏以考擊鍾鼓鋪陳几席恭惟列聖常命周行且屬宴安仍須物用匪勞規畫始就歡娛今陛下以尚念多難不為自逸外闕貢輸之數內無饒羨之資蓋以臨昧旦而謁宗祧彝章必具仰昊天而祈稼穡甘澤已頻方當行慶

三時且欲與人同樂昨者昭垂睿睠俯接羣僚忘憂而飲
備六清旣飽而羞踰百品戒膳夫之失飪詔酒正以如澗
賜者鮮闕行之皆徧飾喜則聲從禹律製曲則音自堯聰
樂和而鳳鳥應來舞妙而薰風共轉曲形文字全爲生靈
承天詔以咸觀兼聞金石泛恩波而已醉不待罇壘柏梁
殿唯召詞臣華林園亦非密座共當異寵難並茲辰光東
帶而更勵立朝顧綵繒而彌慚勝質則微臣非徒享滋味
聽鏗鏘而已霑纓感德稽首拜章臣某等無任荷恩激切
榮耀屏營之至謹奉表陳謝以聞

臣某言代兵部崔相公謝追贈三代表

臣某言伏奉某月某日制命追贈臣亡曾祖某贈某官亡
祖某贈某官亡父某贈某官伏以恩深逝水澤及重泉哀
極失圖感惟增懼伏念先臣實逢聖代寵被乘軒之數名
傳汗簡之書而隙駟難畱隴樹斯拱積感既深於霜露叨
榮復忝於陶甄陛下重顧台臣爰加贈典陰陽未序寧施
報國之功霈澤遽臨空激承家之志仰惟追命唯自省躬
臣某無任荷聖感恩哀榮懼懼屏營之至

代兵部崔相公謝追贈三代表

臣某言伏奉今月某日制書追封臣亡曾祖母亡祖母亡
母某國夫人者典常重舉渥澤下流臣某中謝伏以尊號
皇帝陛下動法天經用宏王道繼降追榮之命若酬輔政
之功竊念微臣謬持魁柄計日月則四時未半調陰陽則
六氣未和而聖造曲臨彝章及上公端揆已承褒飾之
恩大國贈封更荷顯揚之賜化權而無力顧家牒而有
光祇戴睿慈臣某無任哀感激懼屏營之至

爲皇甫懷州讓官表

臣某言伏奉今月一日制書除臣使持節懷州諸軍事守

懷州刺史成命俯臨兢魂自失妨賢不退無德而升恩屢

錫而知慙祿彌高而愈懼中謝巨聞國經選士有一善而

不集作遺天爵與能從九徵而可試臣薄遊憲府累踐禮

闈衣繡無執簡之才起草愧含香之列移官望苑日月其

除驂駕梁園涓埃莫效剖符南峴既慝民謠作鎮西河未

寬人隱二一作三一作邦為政撫熊軾而無功八使迴軒同鶴鳴

而有薦遂乃謬霑束帛猥賜褱揚頓掩前瑕更延今寵山

陽大郡河內名區桑竹蔭淇水之西井田雜邠山之北將

何以潤通京邑化接神州雖勉三載之勤何補一年之借

封畿之要歷選稱難臣也胡顏敢膺斯寄伏乞再求遺玉更網潛珠庶使賢才申共理之心聖主得分憂之地無任叨竊之至謹詣朝堂奉表陳讓以聞臣所讓人別狀封進

賈人對 爲集賢崔相公讓大學士表

臣某言臣昨奉恩命加臣某官者非常之澤稟命實難今月某日已奉表讓訖伏慮聖慈所注宸旨未迴累足屏躬自逃無地遂敢再傾肝膈仰告睿明臣雖至愚非敢飾讓一則副陛下用臣之公道保陛下知臣之遠圖一則惜朝廷之典章重朝廷之爵秩永惟矜鑒在我聰明伏以顯賞

之恩殊勲是稱凡施君命必合國章昨者逆將興妖稱兵
搆變災匪同於天作患實過於主憂咎在輔臣理當昭憲
但臣久罹強劫莫扈出居走間道以獲歸乃王靈之所被
免致陷身之禍得陳拜首之容伏蒙陛下特閔驚危盡寬
罪戾收雷不振就日復安尚處弼諧空知慙感至於遽停
輦輅近駐郊圻廟貌不遙園陵可望是陛下孝通祖考所
以不遠京師也又能庇茅茨祇臨草莽潛施英畧使殄逆
徒坐待梟夷風行號令然後決乘輿之反正慰父老之怨
思謀夫自多睿志先定自陛下精感社稷所以不移節序

重啟昌期咸資聖斷臣將何力可助元功比者殊渥遽臨
 莫知所以為賞之僭懼及淫人春秋正言國家大事聖朝
 行之則有損微臣受之則無名且臣叨荷休明貴為宰物
 兢兢守道尚懼憊尤汲汲經邦未能報効今伐叛之地實
 非近藩虜馬方飲於渭川戎帳頗施於秦甸農商半收疑
 貢賦鮮通中外未安宵旰多慮凡垂恩澤先布瘡痍次及
 勲功方為闕字十元和聖武乃顧淮西宰臣裴度總統全師
 削平宿寇勤勞忠烈史策昭煥獻捷還都書勲行賞持衡
 之地但加金紫之階詎是憲皇之恩澤不深裴度之勲名

不盛此乃愛重彝憲保持大臣遂令賞薄於功欲使衆稱
其美列祖遺法陛下聿修在臣感恩欲增聖德中書故事
常欲兼官雖當敘進之間亦在歲時稍久錫之有度拜者
則安臣又非宜朝將何論真食之命令典俱存求而論之
斯事非細軍儲方困公聚正虛郡國凋殘乃陛下殷憂之
本臣僚艱窘是陛下軫卹之秋而宰臣獨以膏腴贍其封
邑人情頗惑事理不通承命以來連宵審度粗能祇荷皆
欲寵光何敢進犯天顏尚煩俯察誠憂赫怒其可苟安不
言則負任使之恩有讓則違獎錫之旨有違無負明主必

容情激辭多憂緣寵過伏乞特迴沛澤且使燮調息致寇之危疑合興邦之理道臣某無任死請迫切懇悃之至不

第二表

臣某言臣昨蒙聖恩加臣某官實封等瀝誠雖切天鑒未迴今月某日又奉宣命賜臣持危匡國致理功臣者寵光踰溢俯僂驚惶昨已奉表陳讓訖恩出一時事非常典眾方輿論內不自容是以伏紙寫心累干睿鑒未蒙命允匪獨驚危朝省夕思且涕且激臣腐材弱質叨列公台何施尊主之能未立為臣之節而艱難之後陛下待遇愈優食

必分甘言皆動色宏慈厚禮前代所無比及今茲適當反
正斷自不疑之旨遽行非次之恩則臣竊驚孤心兼量愚
分仰酬萬一且合如何至使堅讓未休蓋亦深知不可上
惟聖德恐有失中受詔之難血誠在此陛下以歸復之慶
謂臣有參贊之功嘉謀既出於元機勝畧必資於英決恭
惟茂實前已備論上聖推不宰之心而具臣乏可書之績
則甄賞之命遵行及私唯增鄉校之言兼致匈奴之笑否
臧是驗損益可知況臣在中書又殊同列彥若與博執政
在臣之先或累歲燮和或踰年鎮撫弼違斯切成效固彰

臣自再忝秉鈞初當變律未調鼎鍊徒辱車茵遂罹向闕
之兵莫救燎原之火至於今日無補大朝寵獎重恩俯躬
非稱伏以奠食之命雖著舊章蓋上將平戎大勲卓立超
酬特賞始可勝任行於文臣此事固少況在今日不並往
時天下編氓殆無膏血筋力盡疲於戰伐經營多廢於耕
桑所在聚兵肆爲厚斂不免者痛侵剝可免者患至流
亡鄉弊家殘不勝條說寧於此際更可重傷兼計百戶之
封歲當五百餘萬軍儲常廢國用急須以此校之所濟非
少今陛下焦勞睿算臣等涸竭智謀蓋爲朝廷日憂匱乏

曷若迴非宜之恩命救急務於公家聖慮既寬臣心自泰
生人不加於怨苦經費自濟於艱危宏陛下爲國之資伸
微臣代天之極幸以是竊度實敢固違加臣之名本加疑
武將伏自先帝興復之後宰臣特授殊恩且類權宜何光
定制況臣執政爲日未多安可輒冒憲章當此多數伏自
陛下光承丕構實耀英謀如秦權黃鑄之克徒及近歲甫
誅之大寇載揚我武克致明刑此外凡有克渠未嘗漏網
聖功神畧可謂赫然去年公卿等合彼兆庶之心遂有鴻
名之請封章四上伏奏累陳陛下以時未戢兵人多言病

不循令典不顧羣情久執至謙畢奪衆懇作聖有歸於公

望上言敢犯於聖明夫元首股肱

闕二十二字

陛下讓懿號於

去年臣則受鉅名於今日

闕六字

不同一體之榮與之則臣

蒙姑息之愛矧於事實未合便宜近者國之名器多假諸

侯法度久踰改張何暇宰臣謹畏再務率先尚慮驕矜不

能儆戒陛下若於朝廷未安之際藩方難制之時忽使輔

臣併加殊事則勲侯戎帥越例貪求中書自思無以奏奪

空煩聖慮益壞政經是因今日之恩復作他時之患諒非

細故得不極言累陳切讓之辭庶獲洞開之鑒上祈聖哲

備識愚衷寵渥夫憂心如灼生惟富貴誰無崇盛之謀
禍在滿盈臣有顛危之懼方承任使必覲哀矜伏乞聖慈
速降明詔允許臣某無任瀝血輸懷祈恩俟命激切惴悸
之至謹奉表陳讓以聞

第三表

臣某言臣叨膺殊渥特越常倫一縷千鈞非能比重累棊
加卵何足爲危是以繼獻封章面陳肝血宸衷益注寵數
不移未允愚私如中狂疾伏以皇帝陛下恢張天覆優遇
宰衡流澤而唯恐不深錫爵而唯恐不重欲行君德更邁

古皇茂典畢申睿慈未足內惟感激旁有神明則臣報効之端合識安危之道臣昨者辭讓繼具鋪陳不敢更俟煩文上干聖覽但以陛下大崇儒術多悅羣書經誥之間講論尤切察臣子去就之分考生人禍福之源固以精辯臧盡詳炯戒今臣之懇激尚敢披陳夫貴而知懼者春秋所書祿不期侈者尚書之訓苟忘斯論何以全身況臣之生年歲當丙子四十強仕血氣方剛求之族類之間初在簪裾之列而臣亨逢廣運夙忝重官爰自前年已居台輔至於今日復列鼎司享於極位之中處在羣寮之上潛憂

弔者已在臣門凡有寵光每宜畏避則官無厚謗天祐微
躬止可以永保陛下之恩次可以善守先臣之嗣是非之
際物理甚明如或終自昏迷仍貪寵利害盈之罰更在何
人太盛之災不到他日今陛下以崇名重器豐祿殊榮併
壓臣身必速天咎倘此期未至尚或苟容而焚灼常苦於
寸心芒刺日加於四體精神紛擾疾疹交侵便至乞骸何
能充位雖臣欲陳綿力粗補萬機更策懦才或康庶政固
無門於立效徒抱恨以自尤且臣在同列之間擢用最近
等衰之制輕重有宜今臣所蒙制命授集賢殿大學士序

遷葬典寵飾新恩難有固違謹當祇受其功臣名號官階
爵賞實封等深思僭溢必致遭災敢徼飾讓之名願擇常
存之福且將勤勵獲佐盛時直露情私寧欺君父伏乞聖
慈終賜矜允臣某無任迫切泣請恐悖之至

聖恩良必整天容前此洪未至尚復尚容而楚以常昔然
入太盛之災不雁於日今望可以崇各重器豐於於於於
制於野甚則吹短於日春遊即貪謂保壽盛之隆更其何
保上何以不於望不之思及可以善於於於之向矣非之
中者已矣且門以事書矣其宜異觀限百無早善天亦於

欽定全唐文卷八百三十六目錄

錢珣 六

代史館相公讓官第一表

第二表

第三表

第四表

第五表

第六表

爲王相公讓加司空表

為徐相公讓加食邑表

為中書崔相公讓官第二表

第三表

第四表

第五表

第六表

代史館王相公讓相位第一表

第二表

論內臣朝服狀

再論內臣朝服狀

舟中錄序

杜曉

匡國節度使馮行襲德政碑

...

...

...

...

...

...

...

...

欽定全唐文卷八百三十六

錢珣六

代史館相公讓官第一表

臣某言伏奉今月十三日制命授臣某階某官仍加食邑一千戶今日獲於延英親承聖造瀝懇陳讓未賜允從臣某誠感誠憂頓首頓首臣聞衽席之上讓而坐下人猶犯齒朝廷之位讓而就賤人猶犯貴人情之間讓猶如此況其不讓無犯則難而復台輔至崇鈞軸至重頃年陛下擢臣秉政莫獲固辭已乖戾於當時敢因循於今日伏惟尊

號皇帝陛下於君臣之際今古所希有善必知有過必掩
使之夾輔恐不光昭故重器崇名焜耀而常思假寵進言
論道周旋而盡鑒推誠上感天心臣非木偶今之讓爵蓋
懼生災猶慮天下之人將有所犯敢於翰墨畧布肺肝且
陛下示以殊恩增其貴秩當庶事苟同未稱在衆心必以
為非旒宸寓臨宗祏權設有兵革未能載戢有法制未盡
公行凡此憂虞不遑寤寐以茲受命可謂稱乎聖澤纔流
謗言未至縱朝行為臣箝結顧寰海必自沸騰則上有私
於輔佐之間而臣闕啟災咎之本繇是終始揣度進退驚

疑以此拜章實期得請陛下加臣以渥澤不若使臣合物
情寵臣以光華不若遣臣免災咎儻人言不息天咎必來
焉得自隱自欺不披露懇悃伏惟洞開睿鑒俯徇愚衷且
遣粗安更容陳力廣至明之德罷已降之書昭示四方用
新聖政臣某無任感激惶懼屏營之至

未對 第二表

臣某言伏奉今月某日敕詔具承聖旨臣昨者固辭寵休
有異常等然始以謙讓為說終以災咎自陳未能便動天
心上迴睿渥復傾肝血進拜封章直舉其言冀蒙昭允臣

某誠迫誠懼伏惟陛下寬明有制聰哲成文揚憲祖宣祖
之風冀元和大中之運故欲治而尚亂欲泰而未安潛測
聖懷常縈百慮臣爲宰輔得不周知且自去秋以來國步
未復臣每思人事每揣人情內激肺腸有如湯火陛下當
食不美當寐不甘欲以攻苦食淡之心抱公滅私之道致
陛下之理釋陛下之憂然而再秉機權未能致此者蓋臣
去已之事尚有因循防患之謀率多容易若臣去已必決
防患必專天下之憂庶幾稍解而祿位輕授之弊近歲愈
深上自侯王下至卒伍受爵賞者所承不重荷恩澤者所

感不深蓋緣族類之間踰謬者衆不重則無以勸其戮力
不深則何以激其盡心因之且不稟朝廷不畏法度不稟
必亂不畏必危本末之間實出於此今臣貴爲四輔重有
萬機階秩就加朝廷常典又何必齷齪謙讓而違君命也
但欲審度去就明辯否臧以臣去已決烈之心拒天下越
等干求之患使爵賞不濫與恩澤不妄加則承之者必重
感之者必深如此自凜朝廷自畏法度有患可弭有難可
平此事非所難爲祇在陛下明察儻或信其誠請遂寢新
恩則臣臣之志氣大同理道之根源必正若陛下不顧其

說在臣亦欲何爲但抱憂惶難居夾輔有渝斯語是謂明
欺君道始終聖情深淺祇期遂志不敢匿情再躡冕旒若
臨泉谷臣某無任迫切惶恐俟命允許之至

第三表

臣某言臣昨者再獻封章實披肝膽而詔書批諭德澤滋
深有志未從有言未納雖屬沍寒之候不勝流汗之憂臣
某誠悖誠惕臣聞帝王以國事之重倚於輔相者旣觀舉
直之誠必責理平之效故責之必信信之必終然則歷覽
古今此乃明君遇賢臣之事陛下明德非臣獨知臣之

非賢人共知耳而待罪之位非次久居陛下知臣之心處
臣之地每陞便殿常認聖慈謂臣輸寫甚忠舉措多直每
參大政皆聽淺謀有間之言無從而入至如一昨忽構羣
邪奏密而左右不知禍鉅而本根已固雖傾陷盡闕

一作關

於大事而譖傷先在於微臣陛下知臣素無他腸知彼但
肆讒口聰明一寤擊斷不疑否則臣永抱幽寃已當誅殛
棄逐奸臣之日忽降渥恩蓋欲使中外之人明知遇臣益
厚以茲銜謝詎並尋常則臣自此事君自此執政每圖報
効且合何如所以固讓重恩深申血懇昨者所陳章表始

末以去已爲言蓋欲以人情所難爲臣願爲之於今日陛下所賜之異寵臣願卻之於此時將使萬邦盡驚致理因茲約束冀漸和平若臣冒寵不辭何術可制天下至大至切不得不然今陛下未察愚衷頻加聖澤與向來知臣之旨昨者保臣之心顯有不同臣將何託前所謂齷齪謙讓臣實不爲伏望陛下以所奏之書靜賜睿覽察其陳讓之懇匪以沽激爲名利於國家不避震怒倘陛下將期復國別欲任賢奪臣迫切之心以示棄絕之旨則當避賢而退不敢更煩聖聰竊期此言得遂堅請臣某無任拜首瞻天

瀝血隕涕懇激徬徨之至不若棄此不祥是意然中興之
致不無第四表與國書也聖之大盛國果聖則之全餘惟

臣某言今月十八日延英敷奏親獲固讓官榮徒荷皇私
未從丹悃今日又開芝檢復閱綸言莫聽鋪陳尚令祇受
臣某誠懼誠迫臣聞高下相遠者天地也而天地之氣必
通所以四時周旋萬物生育尊卑相懸者君臣也而君臣
之道必合所以統理諸華肅齊庶政天地不通則萬物天
君臣不合則庶政乖今臣讓爵推誠極言防患拜章累日
答詔三臨聖鑒未迴愚衷無感恥君道之難合懼庶政之

特乖內負沉憂若罹昭憲是以泣邀神助往覺魂飛伏念
此心匪緣他事推誠爲國防患爲君恭惟睿慈寧忍不察
且朝廷之勢不强於藩方輔相之權見侵於將帥隳毀我
法制殘虐我生靈臣常結憤於胸中陛下亦興難於南面
固欲乘機革弊因事抑强二者之能不假奇術但所行必
正所作無私祇於賞罰之間必與物情相順陛下申命宰
臣奉之聳贖皆披頑嚚可化而將帥見侵之患日息則朝
廷不强之勢日興罔害政理之大經罔累聖明之全德將
使國平時泰不慮不憂陛下若棄此不從是怠於中興之

志矣臣之痛惜如割肌膚心腹腎腸傾寫罄竭臣血可嘔
臣軀可糜已決之心則不可奪臣某叩頭屈膝無任涕流
泣血精爽隕越之至

第五表

臣某言臣今月某日延英面獲陳讓後復拜封章詔諭又
臨懇激未遂臣某誠兢誠慄頓首頓首臣聞琴瑟有不調
者尚或改而張之辨士之言良史必記朝廷命官之典故
大於琴瑟之絃公輔求理之謀亦重於辨士之說況所命
者宰相崇高之秩所謀者邦國臨制之機而臣等堅辭必

防他患陛下固奪將放後艱他患若生後艱何救且臣伏
思陸贄以忠信事德宗皇帝建中初方爲侍從之臣事繫
安危言皆激切有不納者必能力爭當彼寇難之時德宗
欲加尊號訪於陸贄遂獻忠言以爲大憝猶存中區多梗
是天意去就之際人情向背之秋若使重益美名必累中
興之業德宗英寤遂納忠言當時轉禍之期實若走丸之
速然則以近臣直道奪聖主鴻名有犯之言莫甚於此今
臣讓官辭爵與彼輕重不同而於危難之中陳匡救之力
愛君爲國心則無殊昔者德宗再閱披陳具明損益今臣

四上直疏陛下未察愚誠是何恩澤之深全惑是非之理
感泣慙懼知臣者天然陛下處多難之時欲繼德宗之美
彼則深思利害聽一學士之苦言今則可見否臧阻三宰
臣之固請臣是以極疑此事是皇天誠陛下之心皇天無
親惟德是輔今若尚令批諭抑與寵私則臣恥陛下不如
德宗臣亦自恥不如陸贄臣自知其恥天下得不其然積
恥成憂積憂生疾心神錯亂舉錯顛危祇於旬時必當覆
餗便須永棄不見中興以是而思生不如死臣言至此臣
意可憐唯在聖明速賜聽允臣某無任俯伏嗚咽以身俟

命之至

第六表

臣某言同心同德是爲亂臣五獻封章繼陳懇悃復升便
殿累貢切言天高而曾不少聞日近而未嘗俯照臣某誠
憂誠迫頓首頓首臣聞詩云受爵不讓至於已斯亡仲尼
刪詩此言不去則古之爲君者非憎其臣而欲以爵亡之
也蓋勸忠勞昭典冊無以加於爵位也古之爲臣者非惡
其爵而欲讓之也蓋定是非畏盈滿無以加於謙讓也得
受爵之宜無不存也失讓爵之宜無不亡也古人所謂亡

者彼亦不過其身既而有益於君亡亦可也苟或亡身敗
國無益於君致亂階於一時流惡名於千載今臣之不讓
是長亂階且陛下觀天下之事理乎觀宰臣之心忠乎若
天下已理宰臣不忠陛下迫以爵位致其危亡臣則瞑目
而歸何害於國若天下未理宰臣則忠陛下不聽苦言須
加重爵臣則碎首而退何利於國臣之不畏其亡但當未
理之時不可更長亂階也所謂未理則非聖德有所不能
蓋天下承弊日深諸侯不順其理故臣欲以今日之讓制
天下承弊之風而正其不順也不革承弊不正不順而望

欽定全唐文 卷八十三
萬人再安四方無事者是抱薪救火其可撲滅乎言出臣
口事痛臣心假使嚴旨復臨臣則終讓而已奚自拜疏卻
類叩閤臣某無任流涕哽切進退屏營之至

爲王相公讓加司空表

臣某言伏奉今月某日恩制特授某官者三公之選八命
而居前古以來無人則闕仍開大國兼進崇階言渥恩則
深若紫泉顧名器則重侔泰嶽揣分非次恐悖難安臣某
誠惶誠恐頓首頓首臣忝列公台忽踰半紀事乖允當識
昧便宜何施作相之材但累知臣之道頃因出狩自合乞

骸未臨復國之期敢有逃天之意而君能得一日且再中空知陪扈之勞獲覩清夷之慶伏自去歲至於今春每懷失職之憂繼瀝避賢之懇愚衷無感睿鑒莫迴徒齷齪以受譏但因循而竊位何言濡澤又降重霄實慙夢賚之人安稱坐論之地捫心自省沾背不遑雖陛下修道側身發言罪已可卜運與之兆將承天賜之休然則劍戟未銷江關或阻猶煩聖慮且乏嘉謀敢於此時輒荷極寵上祈元造俯信赤心行之則明主有私罷之則微臣無咎推諸至理是以固辭蓋欲保全實非飾詐冀蒙矜鑒特賜允從冒

黷冕旒臣無任兢感戰越之至

爲徐相公讓加食邑表

臣某言伏奉今月某日恩制加臣食邑一千戶實封一百戶臣某伏惟尊號皇帝陛下文武應天憂勤厚國旁求翊贊慎擇能賢如臣之才焉可執政徒以其濫承台蔭擢處鼎司屢改流年多隳彝憲莫獲乞骸之便空懷沾背之羞頃屬陛下尚駐乘輿且臨關輔都人久散廟貌未嚴顧居守之重難注宸衷而任使聖言親降霈澤遽行拜官仍忝於繼衣備位不離於黃階寵靈則固兢慄載深蓋以乍違

天顏初達帝里雖南山渭水變王氣以潛新而荒草壞垣
動秋風而尚慘連費何有編戶猶稀臣當此時莫知所措
實賴祖宗垂祐睿哲申謀兼委近藩旁分庶事免微臣之
獲戾濟重務以有成遂致五輅鳴鑾六師被甲陳吉行之
盛禮正法座於良辰誕告四方復興景運御日月而無違
素志嚮邱園而已動歸心遽謂聖慈忽加元造尚責佐王
之効重增開國之封仍容素餐兼賜奠食祇承異數徒冒
優恩已虞招損之譏敢竊好謙之美況佳兵未息公聚多
虛詎宜特命輔臣更加并賦事非允當言必喧傳伏惟曲

鑒愚誠更迴厚渥冀絕謗論且顯聰明臣某無任荷聖感
恩瀝懇待命激切屏營之至

為中書崔相公讓官第二表

臣某言今月某日伏奉批詔以臣陳讓寵光未賜允許揣
分而省躬知懼感恩而鏤骨徒深臣某誠憂誠激頓首頓
首伏念臣之事君也輸忠竭力以從政君之使臣也增爵
進秩以報勞勞既未申寵至必讓凡於庶事皆在適時當
其時不得不行非其時不得不止今臣承命可謂非時且
思加獻鴻名是為常典而去歲之首羣臣數四拜章願增

神武之名用稱欽明之德而陛下永惟大體堅奪衆心蓋以反正之初艱難未濟仰惟睿旨非獨謙光欲廣嘉猷深知不可陛下之志既定臣子安敢復言亦以非時罷茲盛典今臣之愚懇竊合聖暮去春方在京師尚隳此事比者猶當巡幸固不可爲內度宸衷必開宏鑒遂敢再披肝膽實期便輟渥恩請候鑾輅歸還干戈弭息卻施綸綍俾合憲章今日皇私則難濫受可行可止事理甚明伏冀睿慈便收霈澤再冒旒宸臣某無任兢悸迫切之至

第三表

臣某言臣昨以寵光踰濫循省兢憂兼懼用典非時有累日新之德再傾肝血實冀允從而天鑒未開愚誠愈迫臣某誠惶誠激頓首頓首伏以陛下濬哲自天憂勤爲國感屯蒙之未泰先昧爽以有臨臣每奉清光備承睿旨無言不盡無理不思決去邪懲惡之謀若反掌轉圜之速況察忠仗信據理任材誣譖者徒欲橫侵傾危者皆令立定茲所謂疏通知遠淵靜有謀闢四門明四目者也臣不知昔之令主何以加於陛下之道乎然睿哲憂勤昭彰如此今宰臣以非時之命有所堅辭蓋欲朝廷行事得宜天下物

情共洽則臣可以制天下非宜之請廣朝廷致理之端用
贊中興以新庶政詎獨務爲飾讓而進犯宸嚴且睿哲則
何嚮不通憂勤則何思不至旣通旣至必察必知臣之所
陳實欲利國神明所聽毫髮敢欺況有常情亦難自匿臣
雖乏出羣之智纔踰強仕之年幸偶文明方圖富貴苟或
拜恩可稱荷祿不慙則何必固小節以鳴謙干大君而違
命跪承批詔退揣事機讓之則所益必多受之則所損非
細仍念王搏崔允以懇激拜章并臣披露之辭畧盡否臧
之說雖煩聖覽當察羣心得遂有改張遽收渥澤斯爲

從善實可經邦且凡受寵休有所退避或名聲不稱或遭
遇非才小則恥識者談笑之端大則憂賢人譏責之罪今
臣於談笑譏責亦不敢以君恩避之實欲制天下之非宜
廣朝廷之致理用光興復永濟艱難仰望聖慈臣某無任
寤寐齋禱激切之至

第四表

臣某言伏奉今月某日批詔以臣堅讓寵章未賜允許者
憂誠若焚駭汗如雨發於肝膈鑒在神祇臣某誠恐誠迫
頓首頓首臣聞以欲從人則可以人從欲鮮濟此蓋左邱

明之信史臧文仲之至言陛下多閱正經以資明德固於
深旨靡不盡知然而陛下優遇台臣恢張天覆賜爵而唯
恐不重流澤而唯恐不深茂典畢申睿慈未足此蓋陛下
以無私之欲勸有位之臣使其更竭謀猷以濟難否是陛
下之欲也臣匪不知臣所以斯須不寧數固而讓者蓋緣
陛下在省方之地有國未歸微臣忝執政之權遇昧未泰
謂爲輔弼實抱憂慙刻苦厲精進賢讓寵所期天下之士
且不加罪於臣旣安其心庶竭其力此臣之欲也陛下之
欲不過勉勞臣等三人納善罷之小無所損微臣之欲使

昭示天下之人聽而俞之大有所利利在邦國皎然可知
陛下若以欲從臣理無不可若以臣從欲鮮濟不疑雖又
新奉聖慈未容陳讓在臣丹赤誓不稟遵其於利害之言
辯折將盡實以多爲緣飾亦不敢再黷英明進思之心死
請而已臣某無任懇激兢越之至

第五表

臣某言臣事君未盡舉職無聞瀝血懇而黻纊不聽降皇
使而紫泥適至臣某誠惶誠懼頓首頓首臣聞啟乃心沃
朕心哲王所以倚輔相而成理道也然則觀便宜陳訏謨

務匡救而申諫諍不可必奪可者必行竭力盡忠是爲故
沃苟無故沃何用弼諧伏以陛下自周歲以來出居未復
南嚮而坐聖慮日深思頃來及雷之言還天下投荒之士
潛心有感逆耳多容今大駕方欲還京宰臣非時進秩上
虧聖政旁故貪謀宇內幸門因茲大啟竊念久隳法制何
堪更自破除倘陛下固行寵光乃是姑息之旨信任則疎
四海得以酌量萬事更當奸弊且臣罔受爵祿唯惜政經
盡理極辭未蒙聖鑒則是陛下棄故沃而任獨見絕諫諍
而惡正言自此朝廷卻成壅蔽凡關得失凡有是非徒欲

抗論必無允納則不知天下之事自此如何近歲宰執加
恩不過再陳謙讓至於今日莫並前時朝省夕思可畏可
懼蓋二年之內六馬再奔若使理道昭彰奸克凜畏何由
致此安得不憂聖聽雖煩朝綱必振良圖甚大至化期明
若以干犯未休震怒不捨即臣直視鼎鑊如對軒裳蓋有
氣經邦有心事主死而無悔言實可悲唯恐但畱名聲不
足弭其憂患更無多語祇欲長號臣某無任披膽隳肝請
罪之至

第六表

臣某言某五奉批詔尚未允臣所讓官階爵邑者伏以將相大臣凡被恩命有所辭讓不過再三安則稟而受之不安者亦許其讓今臣已倍再三之數情固有所不安聖鑒未開憂心如醉臣某誠恐誠迫頓首頓首臣聞杜恕魏之名臣也常以立心行事若非明達君子見諒本心不然則刳心示人與臣何異臣雖不佞常歎其言知信人難古昔如是然杜恕於族類之內尚與此言今臣幸以遭逢重爲宰執雖論才較智莫稱陶鈞而秉直輸忠敢欺辰象拜章之請擇利經邦況奉天顏盡披血懇誓然

疑作言

莫信死請

莫從則臣刳心於丹宸之前陛下亦當未察兢憂慙歎無地可逃今辭理已殫懇激愈甚蓋臣於不安之事終無受寵之期苟或譴怒下臨臣則伏罪而去干犯宸嚴臣某無任隕涕流汗惶越之至

代史館王相公讓相位第一表

臣某言臣聞君人之私在始終而必遂人臣之分於進退以自圖嘗觀古今莫不如此臣謬從先訓本涉儒流傳之者猶有琴書教之者令歸忠孝臣之不佞頗墜所承唯於忠孝之心實畏神明之責策名游宦止望周行偶聖立身

俄塵大任材同常士寵過素期雖欲遠慕前修旁探令典
窺其事業勵此顛蒙副明主之憂勤避衆人之指笑而所
務者生靈富壽每痛彫殘所制者兵革弭寧尚聞侵伐赧
然備位何以事君不唯久合避賢固亦尋宜獲罪偷安四
輔忽已六年假名器而則崇執機權而益拙循省是懼斯
須不遑然臣於六年之中未忍爲一朝之計者蓋以陛下
信其愚直如見肺肝咨以弼諧終無疑間事不幸者必蒙
曲恕心不欺者則荷明知忝異禽魚感深骨髓強陳蹇力
用答聖慈今則曠敗漸多智謀將竭不能引退定至顛危

況陛下光復京師已逾周歲臣之去就亦謂得宜竊見嶺南節度使薛王知柔近有封章懇求替罷是以臣今日敢於便殿直冒宸嚴乞免鈞衡得分節制赤誠盡寫天睠莫迴旣集兢憂彌增激切伏念臣之心力則未甚衰嘗學政經因參戎事尚可遠臨海服具舉化條每推糾率之勤兼濟邦家之用謹廉無犯攻苦不私微臣所能庶幾有效實非飾詐輒罔睿明隳膽獻書期於聽允登壇受命皆是寵光遂之則臣必有爲奪之則臣將不逮上惟君命乃獲始終且使臣又全進退自昭聖德未爽舊章仰望鴻恩臣某

無任迫切悸恐之至

第二表

臣某言去冬以持衡力竭待罪年深曾披肺肝乞免機務
兼遇嶺南節度使知柔上書求代臣遂仰告聖慈願守遠
藩別立微效陛下未容休罷尚委弼諧旋命貴臣密宣睿
旨臣之去就詎合固違焉敢復拜封章是以苟安廊廟又
移歲序何補國家臣頃者瀝懇之時陛下亦降許臣之旨
欲俟他日知柔再有陳情則於此時允臣所請邇來備位
不敢更言上荷皇私且策駑蹇今知柔又貢章表辭甚激

切宗枝將帥事體可從亦繫機宜便合制置速擇交代免失一方倘陛下念知柔陳乞之私察臣披露之懇使之仗鉞委以藩條必能撫諭島夷董集征賦旁資國用粗慰聖心躬親則可以使人廉謹則不令生事擇利而斷全在宸衷當邦家匱乏之時敢違輸貢兵革交侵之際幸保土疆臣與知柔各獲其所伏惟尊號皇帝陛下恭默守位明哲臨人每務永圖以揚丕烈克全君體尤重大臣苟非輔相之間誰能盡窺聖德臣之遭遇獨異等儉臨事出言未嘗不信輸忠抱直無所不知七年以來萬機實重仍逢多難

唯任至愚若非聖明尋合顛敗由茲感激更竭筋骸近者
自量力實不逮今所陳乞未曰退休荷寵出藩臨戎報國
誓秉始終之節兼推糾率之心直寫赤誠冀開元鑒今日
延英殿已具奏聞未蒙聽允輒陳牋翰更冒宸嚴臣某無
任祈恩待命迫切兢悸之至

論內臣朝服狀

皇帝赴齋宮內臣皆服朝服臣檢國朝故事及近代禮令
並無內官朝服助祭之文伏惟皇帝陛下承天御歷聖祚
中興祇見宗祧克陳大禮皆稟高祖太宗之成制必循虞

夏商周之舊經軒冕服章式遵彝憲禮院先准大禮使牒稱得內侍省牒要知內臣朝服品秩禮院已准禮令報訖今參詳近朝事例若內官及諸衛將軍必須製冠服即各依所兼正官隨資品依令式服本官之服事存傳聽且可俯從然亦不分明著在禮令乞聖慈允臣所奏

再論內臣朝服狀

臣今日已時進狀論內官冠服制度未奉聖旨伏以陛下虔事郊禋式遵彝範凡關典禮必守憲章今陛下行先王之禮而內臣遂服先王之法服來日朝獻大聖祖臣贊

道皇帝行事若侍臣服章有違制度是爲非禮上瀆祖宗
臣期不奉勅臣謬當聖代叨備禮官獲正朝儀死且不朽
脂膏泥滓是所甘心

舟中錄序

乙丑歲冬十一月余以尚書郎得掌誥命庚申歲夏六月
以舍人獲譴佐撫州馳暑道病秋八月自襄陽浮而下舟
行無事因解束書視所爲辭藁翦翦冗碎可存者得五百
四十篇丞相表奏百篇區別編聯爲二十卷夫體正而有
倫辭約而居要始終明白茲所以爲誥也國朝聲名辭臣

欽定全唐文 卷一百三十一
率能由是而作堂闥祕邃不與漢魏爭高下而荒學小子
以一日視其冗隙間其可見堂奧而得規摹哉以是代天
子言誠不知而作也古者黜幽不過考三載之績余冒居
六年見考無績用思黜不亦宜乎所編聯不敢以集稱理
諸舟中遂曰舟中錄是年九月錢珣自序於沔陽之南

杜曉

曉字明遠京兆杜陵人昭宗時拜左拾遺召爲翰林學士
知制誥梁祖代唐拜中書舍人開平三年轉工部侍郎充
承旨四年拜中書侍郎平章事仍判戶部友珪之亂死於

兵贈右僕射

匡國節度使馮行襲德政碑

關九五山川關三之關五風水關聖關一神武雪五老關一

字星關二負鼎之關懿關五耿賈政邁黃韓關一若匡國

軍節度陳許汝關二州關食菜關五氏雖系出長樂關一

家遷關一當世緒紛綸關三飛關一相關而平關二正色

以威嚴先郎關一應於關三媛關三猛獸關十石羽林關

江漢氣貫斗牛騰凌追千里之蹤嘯傲負四方之志關十

翁知功名關吐關四有孫喜者聚徒數千人關二莫過將

次定全唐文 卷八 三十一 村曉

闕十 大驚怖無可柰何公乃白闕于南闕四 軍吏迎謁公

在側擊之闕十之盡闕三 兵闕五 臣闕 咸秦闕四 崢嶸繚

闕三 臨闕十 難前孝子迎闕一 而闕一 進闕郡以闕十 列

闕二 者闕 閑閑歲收租闕十 倍兵強食闕二十 才誓闕鼓

旗之令南山霧闕二 觀豹闕一 之文西陸闕一 清始見鷹

揚之闕 洛邑古稱四戰之地今闕五 粵自艱難久罹瘡痍

闕二 無闕十 寇憮闕一 去闕 者雖大必去便于闕一 者雖

闕二 作嘗闕五 政闕一 要闕十 不闕四 其律闕 觀焉先是

闕一 狷闕一 張闕三 虐闕十 二萬眾闕 叛郡邑常虞其蹂

躡闕七密連闕十大兵誠其疆闕盡伏其神明闕四其情

偽闕二量罔欺于圭闕二薪芻闕韓浩屯闕一之闕一矧

而闕一腴盡在梗概闕四未闕三匪遠闕十王乃闕二而闕

而闕一許闕三獨闕一若遐僻之地闕一乃闕三課民闕

七之闕夜以闕一馳闕一館闕三宿闕十縣界內曾闕母

疾病割股奉養闕三痛願闕十載揚孝治之闕之問俗觀

風阜財述職焉可得稱闕十蘭智闕操絳侯之闕一處不

從闕介遂鎮華陽闕秔稻莫闕一桑闕之容闕一武下

上闕二許名區易妨粵闕一景闕二何闕三十襟帶闕

次定全喜文 卷八首三十一 杜曉 三

字 郊輔車闕之來時不有更張何期俾又闕賢闕七公

字 闕三 節度闕十本尋源提綱振領害於闕食者民之命也

不可不以勤其闕一稽兵者闕三器也闕二以闕一肅其

號令闕十刑闕二吾闕一之矣爾第闕懦者歡悅闕二穎

悟剛斷闕三字者又闕三字素闕二字命闕四字冬聚舊闕二十來

而復闕艱闕五之威龔遂去闕二字之患闕二字罔倦蕩析咸

歸闕二民寬闕十夜闕十恤惟刑闕麻麥之治彼闕六

推闕二隄之闕二慙功自闕十仰稽前闕一遺蹤闕二

祇闕二之謀味闕果應於牧人滯穗闕六寡婦闕一年內

闕三 四千三百闕十 奏闕一 連闕六 地而闕 咸知闕一 物

之方向者公闕三 軍衙闕四 再闕五 規模廳闕三 門闕十

雄廣厦翬闕六 色路闕 類忽有烏鵲羣萃啄食無闕九 東

闕三 孤勤瘁南闕五 吞螟闕十 谷闕七 縣百闕 年闕一 縣

麥秀兩歧闕六 覩闕三 長社縣闕二 一莖四穗闕五 不闕

二之闕一 蹈闕二 仁闕二 不足含闕 鈎距運籌史闕七 平

仗鉞稜威謝闕四 方闕十 藝軍闕一 講學馬上注書揮闕

立覩飛闕 飯帳下之犀渠闕二 皆感吮癰樓中之闕一

首蛾眉闕四 閨闕四 組闕一 譚董闕五 烟闕二 之闕二 常

次定全唐文 卷八十三 杜曉

闕五 偃草功著分闕

闕 高飛將闕 洞闕 姝幹闕二 章刃闕四 鞬入仕勇敢萬闕七

字 當路闕二 風生桓桓虎闕一 智闕二 強闕 送昏拯劍斬

頑嚚帝念馮公忠闕三 朝稱闕二 左提右闕七 瑞節望塵

肯悅公至若何闕 類赤眉闕一 同白額乃芟乃夷乃梟乃

磔外戶不闕一 下民闕七 食為天闕一 鼓闕五 田耒耜接

肘闕 保豐穰取之盍徹巨害既去纖惡皆除頒宣闕二 慎

恤刑書闕四 囹圄常虛闕一 佻薄闕一 政叶闕一 盧老闕二

字 懷闕 交映朱扉洞開闕一 優闕三 燕臺惠洽闕一 里闕一

字
飛九咳闕四字
和氣充塞麥秀兩歧禽吞闕一字
騰闕五字
人

頌德

次定入喜文

卷八百二十六

杜曉

三

賦

張氏刻
關四
味康交墨卷兩如會
關一
鄧字
關五
人

欽定全唐文卷八百三十七目錄

薛廷珪

授李澥右散騎常侍制

授董禹左諫議大夫制

授膳部郎中知制誥錢珣守中書舍人制

授長安縣尉直宏文館楊贊禹左拾遺鄂縣鄭谷

右拾遺制

授翰林學士承旨戶部侍郎崔汪尚書右丞學士

中書舍人崔涓李璣並戶部侍郎知制誥充學

士制

授起居郎李昌遠監察陸宸並守本官充翰林學

士制

授孔緯吏部尚書加食邑等制

授劉崇望兵部尚書制

授盧知猷兵部侍郎制

授杜致美太常少卿楊拙庫部郎中制

授劉崇夔都官郎中制

授河中節度判官温緒水部郎中制

授徐彥樞禮部員外郎制

禮部員外郎徐彥樞改授戶部員外郎制

授侍御史沈棲遠右司員外郎殿中張元晏都官

員外郎制

授中書舍人獨孤損御史中丞制

授崔義進侍御史趙光裔鄭祁殿中丞李皎監察

等制

授牛希逸殿中侍御史李珽監察御史制

授韋韜光祿卿等制

授太僕卿制

授司農卿制

授前將作少監趙巒等光祿少卿制

授孫乘大理少卿李震宗正少卿等制

授李崇鴻臚少卿制

授峽州刺史崔昌遐祕書監制

授考功員外郎鄭璘司勳員外郎盧擇並充史館

修撰制

授前京兆府參軍錢珣藍田縣尉充集賢校理鄉

貢進士崔昭緯祕書省祕書郎充集賢校理制
授前左散騎常侍楊授國子祭酒制

授裴迪太僕卿元鎬京兆少尹盧玘國子司業等

制

授右威衛上將軍契苾璋威衛上將軍制

授劉思謙驍衛大將軍李瓘金吾將軍等制

授王知道寧州刺史王知勳右衛將軍制

授齊遵謀等左龍武將軍制

授太子賓客王牘等諸王傅制

授郭保嗣德王傅依前通事舍人等制

授夜直軍使王德煥在衛州軍使

授王德煥直軍使王德煥在衛州軍使

授夜直軍使王德煥在衛州軍使

授夜直軍使王德煥在衛州軍使

授夜直軍使王德煥在衛州軍使

授夜直軍使王德煥在衛州軍使

授夜直軍使王德煥在衛州軍使

授夜直軍使王德煥在衛州軍使

欽定全唐文卷八百三十七

薛廷珪

廷珪河東人中和中舉進士光化中爲中書舍人遷刑部
吏部二侍郎拜尚書左丞入梁爲禮部尚書後唐莊宗平
河南除太子少師致仕同光三年卒贈右僕射

授李澥右散騎常侍制

勅國家龍朔中有侍極官今之左右常侍也前代崇寵秩
比侍中密參帷幄之謀時號清重之選從容獻納允屬名
儒今執政言爾具官李澥地實華腴性惟貞介聚學爲已

修禮藩身清明照物以忘疲澹泊居貞而有守來司綸誥
潤色推工去卧雲山含章見譽增重價誠由於合櫃固深
根頗異夫握苗久漏搜羅幾爲遺逸昇之近署官以封貂
宜俟併伸勉從虛佇可守右散騎常侍

河南制授董禹左諫議大夫制

勅朝廷具位之臣得直言天子過失太平之基也矧司我
諫議列吾軒墀啟乃心而沃我心盡爾言而攻我過眷求
之道時惟艱哉具官董禹疊中詞科優有文藝西漢故事
甘泉遺儀聞其討論多所詳悉逮事先帝頗揚直聲徵還

周行歷踐臺閣靡所附麗能精典墳公論推其才術鄉校
言乎淹恤今擢爾爲諫議大夫置朕左右勉揚厥職往副
旁求夫立肺石挹獸樽扶將顛祛未寤在履正直務去將
迎爾或推公朕豈憚改書紳銘座服我訓詞佇稱人情勿
孤朝獎可左諫議大夫

授膳部郎中知制誥錢珣守中書舍人制

勅具官錢珣孟子不云虞舜聞一善言見一善行若決江
河沛然莫之能禦朕凝神穆清耽味墳史用爾掌綸誥
時推得人觀其書詞覓絕塵滓褒貶盡春秋之要旨指歸

決訓誥之源流傳聞四方平視三代而秉守甚正韜藏有
程介然獨行卓爾清峙閱爾之能事多矣聆爾之嘉猷藹
然信乎虞舜之心若江河之不能禦也俾即之 伏斯爲舊
章夫參贊樞衡典司綸綍職業彌重扶搖漸之 勉副簡求
無孤寵待可中書舍人

授長安縣尉直宏文館楊贊禹左拾遺鄠縣鄭谷

右拾遺制

勅具官楊贊禹等以贊禹挺生公族雅有之 名檢身如履
其春冰操心不愧於屋漏而言行無玷文章可觀連中殊

科首冠羣彥捨而不顧去奉良知三年於茲澄澹一致自
待之意何其遠歟以谷二雅馳聲甲科得雋亦承遺構自
致亨衢求諸輩流兼慎行止朕方求理道允屬滯淹聞爾
贊禹之規爲可以厚風俗而敦教化聞爾谷之可什往往
在人口而伸王澤舉賢勸善允得厥中並命諫垣我爲公
選汝於職業勉自激揚可依前件

授翰林學士承旨戶部侍郎崔汪尚書右丞學士
中書舍人崔涓李礪並戶部侍郎知制誥充學

士制

勅朕以萬乘之尊託于人上居九重之奧以御區中財成
天地之宜外委於良輔夙夜宥密之命內咨於近臣佇沃
乃心底予於理具官崔汪山嶽鎮地望之而秀絕無涯金
石在懸扣之而宮商有序門地軒冕甲於當時具官崔涓
公台華胄名教偉人稟象緯之英姿得乾坤之秀氣器業
事望鎮於周行具官李璣學際天人道隆姬孔參言語侍
從之列擅淵雲賈馬之才履正居中格於公論而皆體訓
誥以事我拱霄極而致身吾得名臣汝邁昌運君臣胥遇
千載一時或秩滿佇遷或職勞可舉往膺並命允屬當仁

綱轄貳卿清重無對玉堂溫樹近密孰階遂爾扶搖副我
欽屬可依前件

授起居郎李昌遠監察陸宸並守本官充翰林學

士制

勅近侍宸嚴參予密命韜經濟彌綸之望爲言語侍從之
臣廼眷周行朕將注意詢於卿士僉曰汝諧爰膺並命之
求允屬當仁之選起居郎李昌遠魁梧博厚寬裕溫良蘊
是粹和發爲符采監察陸宸珪璋縝密咸護琤璫藹然休
聲礪乃佳器士林擢秀聞爾則百尺無枝筆陣交鋒聞爾

則一戰而霸皆伸於知己副我旁求濬柱下之清源無忘
啟沃紹雲間之華譽勿鼓喧囂慎繼前修罔言溫樹吾有
美實期爾爲鹽梅吾有巨川佇爾爲舟楫勉思稱職無忝
飛升可守本官充翰林學士

授孔緯吏部尚書加食邑等制

勅朕久爲奸倖蔽我聰明其心懵然是非倒置一旦開悟
洞決疑迷寰區冀寧邪正茲別明發不寐思予蓋臣雖已
命官未滿延屬亟加寵澤式示優崇新授具官孔緯直道
致君至誠醫國先帝以爾輔弼子沖人業履之勤明備於

前制唯朕不明不敏俾爾堙厄於外者有年矣言念至此
心焉震驚苟不驟加寵榮仍復微數卽何以示予補過之
心也天官太宰首冠六卿往執銓衡暫煩藻鏡殊恩縟禮
並復舊章逖聽履聲佇還衮職惟爾元老體予虛懷可吏
部尚書仍復持危啟運保乂功臣開府儀同三司上柱國
魯國公食邑四千戶實封二百戶

授劉崇望兵部尚書制

勅台衡舊德纓冕碩生朝昏常寘於我心事業無忘於汝
礪矧朕出潛之日實操顧命之書乃眷滋深公望惟允宜

膺重任以副旁求具官劉崇望昔以文詞事先帝爲翰林
主人旋以藥石沃朕心號中興宰相歷試宏業周旋大寮
人無間言動不過則頃罷鈞軸亟移光陰室旣生白舟惟
任觸浩然正氣充塞乎天地之間卓爾神光瑩徹乎星辰
之表琴樽遂性名教檢身家事雍肥物情重贍一作崇重靖言
素履頗厚時風大道之行斯文未喪將論舊德允屬僉諧
爰增光祿之勳往曳尚書之履敬佩休寵克當厥官無或
牢謙尚欲高卧可光祿大夫守兵部尚書

授盧知猷兵部侍郎制

勅參斷時政允屬公卿鎮重周行式資舊老而叔世掄選
率尚英華俾我洪儒碩生軋軋不進汲長孺於焉興歎燭
之武是以有詞思求其人夕惕若厲爰有良輔協吾此心
且言爾前尚書右丞盧知猷在和武光孝皇帝朝以文學
詞賦擢進士第登宏詞科舊相列藩羔雁交辟雅有淑問
鬱爲名儒及我懿考踐阼厯諫省郎署官常兼史職藹然
直聲著在筆削先皇帝嘗輟自朝右再委方州饒陽上洛
之人於今懷爾之德旋掌誥命亟服寵榮逮予沖人厯事
四帝出入華顯諳練故實子雲之筆札有名周昌之厚重

無黨鎮吾風俗緊爾秉持遂用委以五兵贊子九法服我
休命稱茲簡求往惟欽哉無墜成績可兵部侍郎

授杜致美太常少卿楊拙庫部郎中制

勅朕以至公掄才時致用又周行進秩公論為人如聞右
司郎中杜致美以吾上台實爾猶子深自抑損不求聞達
隱几端居不言時事閉關卻掃深味道腴夫何山濤魏舒
校爾優劣而戶部員外楊拙始以籍甚之稱洽於名場歷
聘侯藩亟踐臺省彊學務本履正居中夫何顏駟揚雄伴
爾專靜奉常典樂建禮含香詢爾清閑明我搜選克敬乃

事交修厥官各謂當才無忝並命可依前件

授劉崇彝都官郎中制

勅具官劉崇彝朕聽政之暇耽翫羣書每讀考槃之詩常
軫遺逸之慮訪於輿論得爾崇彝聞其常抱業試於有司
才優數竒十上不第言行修整文學該通儒雅之聲著於
洛下而以爾令弟秉子大鈞鴻飛冥冥不近賢路從軍試
吏亦曰彊名荀徇爾私其如公議是用陟居華省寵以郎
曹典制六官之重伏奏青蒲之上疇爾夙志予恩不輕凡
百未申宜體朕樂善興能之意無患不知也可

授河中節度判官温緒水部郎中制

勅天子省方藩侯述職睦鄰事大允執厥中偃革崇儒行
成於內我知之矣彼有人焉具官温緒懿祖考為朝廷大
臣偉望威名皆烜赫信史而爾砥節礪行修詞立誠抱終
身之憂脫屣科第仗四方之志服勤官途束帶公朝曳裾
侯府刃有餘地人無間言朕以釁結萑蒲兵纏封域藏書
之府煨燼罕存爰委藩宣為我採撫而爾能奉綸旨來貢
之書欲以先王之格言廣我視聽思列聖人之行事規我
怠荒實嘉乃心斯驗夙志爾帥具舉予其懋遷升之文昌

授以清署用酬稱職以勸事人凡百賓階無忘幕畫可尚
書水部郎中

授徐彥樞禮部員外郎制

勅具官徐彥樞文昌列曹代稱清署宗伯之重時難厥官
其在外郎選擢尤重率多虛位以待當才聞爾澹以立身
謙而履道情田萬頃瑶林將玉樹森羅文律九成調露以
承雲交奏動必由禮人無間言克成德行之規不染脂韋
之態介然自立無愧前修是用聽彼羣情懋茲劇選斯文
重振資爾之嘉謀時政有疑佇爾之讜論勉臨厥職紹乃

家風敬蹈冰泉以成踐履可

禮部員外郎徐彥樞改授戶部員外郎制

勅具官徐彥樞吾前以儀曹員外郎南宮劇選求思時彥
克副僉諧聞爾先臣在會昌中事武宗皇帝文行修整綽
有令名亦由至公膺此慎選得人之盛於今稱之而彥樞
趣嚮規爲能紹先志俾之繼美亦謂當才而能以爾令兄
執吾大柄絜矩彌峻避嫌不居牢讓之心確乎山立今吾
又安敢以流薄所尚浼爾操修改司人曹允叶中道亦欲
使彥樞展四體以事我秉一心而律人靡不有初爾無忘

於自勵其下皆讓予庶幾乎有聞稽乃檢身慮吾假器自待之旨何其優哉可

授侍御史沈棲遠右司員外郎殿中張元晏都官

員外郎制

勅具官沈棲遠等由御史屬爲尚書郎選擢之重難踐歷之清切所以廣毓材之道也以棲遠清白嚮正藝實揚名魯人將以爲木鐸太一傳其洪範石渠鉛槧諫署淹翔動靜有常職業惟允以元晏詞無枝葉道有汗隆履君子之中庸練國朝之故實直方之氣僉論多之文藝之優前

欽定全唐文 卷之三十一
九
輩高許而皆乘驄衣繡爲我憲臣指佞埋輪恪居官業疇
其久次爰俾序遷勉思伏奏之勤無忘率職之重可

授中書舍人獨孤損御史中丞制

勅漢制御史中丞入朝得與尚書令專席而坐示威重於
百辟也前代之盛風猷具存國朝用人職業尤重非材優
望峻者不中茲選丞相言爾中書舍人獨孤損儒林挺秀
卿族騰芳文擅菁英學窮壺奧演之爲事業暢之爲人文
立我明廷號爲端士逮予寡昧歷事三朝勞爾班行向踰
二紀徊翔兩掖尹正神京直聲載揚休問逾暢自掌我誥

命垂爲典謨煥然一家之書擬於三代之際器業事望由
茲而益隆蘊勵琢磨所向而可仗朕言念理本係於臺綱
詢謀股肱謂爾宜稱今以爾爲御史中丞其爲我峻爾風
望正言隳頽疑無憚觸邪勉思舉職佇觀爾志以稱我心

授崔義進侍御史趙光裔鄭祁殿中丞李皎監察

當其大類等制

勅崔義進等吾近以風憲之任委諸名卿中外肅然佇其
振舉果於掄選能掇菁英且言澄澹秉彝進退由禮義進
之修整也無怠牆岸山立時情藹然光裔之峭直也不黨

欽定全唐文 卷之三十一
十一
英華發外清勁積中祁之蘊蓄也無多謝於前修聞善若
驚覆簣不止皎之砥礪也頗自強於遠概皆克荷先訓來
爲聞人俾之整肅周行懲艾風教觸邪指佞庶有可觀爾
當其才朕俞其請各揚厥職懋對天休可依前件

授牛希逸殿中侍御史李珽監察御史制

勅具官牛希逸等我以憲章法理之任付於歸昌俾嗣復
家聲振舉職業逖聽風采佇整頽隳今以爾希逸珽列狀
來上且言文行修飾操履端潔可使簪白筆以書法冠豸
冠而觸邪俾欺闇之人視爾如秦鏡醜正之士畏爾如堯

羊昇之明庭聳我昌運樂聞爾志允叶人情即俞所陳式
旌懋乎噫澄清之始糾正爲先爾宜輔助歸昌提振綱紀
無或碌碌以謝前修則驗爾修飾端潔之道矣而撲疑隱
鱗戢翼負志求伸旣得其時佇觀所尚而今而後可不勉
之可依前件猶

授韋韜光祿卿等制

勅具官韋韜等卿寺膠庠僉曰清署序遷慎擇必惟其人
以韜儒素承家直方守道源本粹茂材術周通以績詩禮
飭躬簪裳著代心惟耿介志在功名以承休養素典墳服

金定全唐文 卷之三十一
一十一
膺螢雪成如麟角雅有鳳毛以承又鼎甲華宗松筠茂行
貞方蕭諫讞有聞而皆久脫朝簪能安陋巷列卿曹而
象月次國學以橫經我俞丞相之求爾叶輪轅之用敬慎
爾事往臨厥官無或素餐以塞虛位可

授太僕卿制

勅具官某書曰昔周穆王命伯冏爲太僕正曰昔在文武
聰明齊聖侍御僕從罔匪正人以承弼厥辟且曰僕臣正
厥后克正僕臣諛厥后自聖太僕之爲官也重矣朕每讀
書允擇其可矧惟前代畢用名臣數馬執綏故實具在爲

予禦侮作我前驅審官擇人今以命汝稽諸訓誥得不勉之可守太僕卿

授司農卿制

勅具官某書曰昔我先公五世后稷以服事虞夏夏之衰也棄稷不務先公不窋用失其官至於武王昭前人之光明事神保人莫不欣喜訓誥具在朕安敢失墜而叔世偷薄乃不知稼穡之艱率以三署爲華輕其柬用寔以成俗嘻鄭元漢之名儒也韓信漢之上將也尚聞徵拜或至就加來奉疇庸得不寅畏敬受羲和之職往修后稷之官豐

金定全唐文 卷一百三十一
三
阜有聞陟勸斯在可

授前將作少監趙巒等光祿少卿制

勅具官趙巒等或公卿棣萼或台輔子孫或登史傳之科
或著絃歌之政並從閑罷亟涉光陰振滯掄材各當遷陟
亞於卿寺頒我詔條洎率屬於膠庠一時之茂選也惟勉
思砥礪以應簡求大開霄漢之程允屬軒裳之後苟能自
奮可往承之可

授孫乘大理少卿李震宗正少卿等制

勅具官孫乘等廷尉卿生人之司命也大宗正我族之本

根也貳卿之任昔難其材與夫丞殿省而立朝著聽於公
舉我有人焉以乘等或掌奏大藩或字人劇邑書檄有聞
於記室絃歌多暇於琴堂而昌亦號通材丞於六尚言從
罷秩久於艱難各使立朝仍觀舉職恤刑庇本勉稱我心
可自蘇武妻之夷刻二天式唐公燕入三人野種父早刻

授李崇鴻臚少卿制

勅李崇等各以材行來服簪裳或字人著績於封畿或嗜
學見推於流輩夫卿寺王官儲宮學省一時茂選爾往莅
之飭勵有聞陟勸斯在

授峽州刺史崔昌遐秘書監制

勅令之出牧優賢之任也苟昆弟當塗即不敢膺其選避膏粱而示謙畏者果能行之乘氣焰而苟溫足者或自便矣具官崔昌遐昔以令季作鎮衡湘願分使符出守荆楚輟自秘府委之夷陵二天方惠於疲人三人復蘇於旱歲亟陳章表牢執撝謙以爲手足秉鈞固絕饑寒之患簪纓委地宜均休戚之懷且惜分飛懼妨賢路操履如是在志不回凡今之人茲用嘉尚況爾踐揚華顯彬蔚彩章際此修途資之明識又安敢置爾於要劇之地煩爾於撝揖之

勞者哉眷言三閣實祕九流簡求常在於清賢臨長必先
於儒者矧畱虛位允屬僉諧更增馭貴之榮不改秩宗之
任敬承休寵勉務優閑可正議大夫守秘書監

授考功員外郎鄭璘司勳員外郎盧擇並充史館

修撰制

勅具官鄭璘等堯舜禹湯文武之善桀紂幽厲之違非直
筆信史後王莫得而詳也我國家列聖行事亦具書於史
官將以昭示後昆垂訓不朽紀綱專總於丞相筆削分任
於名儒非夫望蘊司南才膺載筆者不當其選而崇望言

爾璘等博聞強識繩直冰清四時之和氣襲人一字之褒
貶惟正聞見事典周知故實可以著不刊之書論司過之
史爾宜詳於注記紀乎言動之非繼彼春秋明乎得失之
跡彰善癉惡無忿疾厥心舉直錯枉無上下其手佇聞稱
職當議陟明可

授前京兆府參軍錢珣藍田縣尉充集賢校理鄉
貢進士崔昭緯祕書省祕書郎充集賢校理制
勅具官錢珣等儒術可以厚風俗人文可以化天下帝王
興創不能異之粵我皇祖肇基不闡茲道反隋氏之政追

孔門之風鼓篋升筵者餘八千人邦寧本固者垂三百載
詒厥沖眇不敢昏迷佐予中興乃眷於是良重集賢藏書
之府故用丞相司之得選官屬將慎廢墜以珥禮爲身幹
慎得言樞奉典刑之遺無辱趙氏以昭緯名冠來籍道絕
下交居德行之科不減顏子方設鉛槧有期丹青爾宜窮
四部之多正五體之別無使我集賢殿不及漢興之東觀
祕書也勉矣哉可

授前左散騎常侍楊授國子祭酒制

勅具官楊授乃睠膠庠文學所聚聿求臨長必在通儒以

授洛下高才關西冠籍台庭襲慶士族揚芳守敬器之不
盈蹈黃裳之元吉策名筮仕垂四十年流落棲遲失鶩翥
勢所嗟暮齒久困窮途勉當文理之朝莅乃成均之職我
惟求舊爾往崇儒載推尚齒之恩仍假納言之任意隸名
之籍今無聞焉邱園之秀爲我屬意敬承休命以振斯文
可依前件

授裴迪太僕卿元鎬京兆少尹盧玘國子司業等

制

勅具官裴迪等天子擢侯府之彥昇諸周行掄材獎勞斯

謂彘制逮於搜索淪滯羽儀膠庠四面取人一時慎選以
迪卿材應聘儒席稱珍以鎬幕畫有聞賓榮具美以玼華
宗輝譽官路流芳各負所長求伸其志而諸侯之府裨贊
是緊驗安劉戴舜之功見難進易退之道太僕禦侮貳尹
優賢司成古官歷代清選唯爾三子來服訓詞交修厥官
以稱我意可

授右威衛上將軍契苾璋威衛上將軍制

勅具官契苾璋尚齒酬勞固聞於茂典念功求舊式勸於
後生朕嘗因坐朝周視百辟有莪冠擔珪華髮承弁鷹揚

鶚立於墀廡之上者一旦便殿詢於宰臣且曰衛將軍璋也夙號良將實著軍功嘗擁節旄兼開善政自處之環衛委以腹心闢彼汙萊盡作文王之囿化其士卒皆爲君子之營而耆艾服勤班資不稱積薪之歎達我聰聞俾昇上將之尊不假三師之貴吾於爾輩無吝優恩勉服軒裳共致寧謐可

授劉思謙驍衛大將軍李瓘金吾將軍等制

勅具官劉思謙等大將軍齊之三公執金吾漢之中尉或分黃麾坐正殿之前或橫佩刀立天子之側親近寵貴莫

之與京以思謙等昔在艱難不渝風雨克保臣節能知式
經而瓘祖考勲名功格上下副朕基構克勤班行清修自
持儒雅有守朕言念後生邁諸多難朝施勞於旄鉞莫置
位於公侯獨爾寂寥未聞熏灼自待之意何其偉歟賞延
之典茲用歎鬱屬有虛位先求舊人俾昇喉舌之官以申
帶礪之旨爾其服我寵光爲吾心腹侍衛巡警勉於在公

佇聞恪居

下闕

授王知道寧州刺史王知勲右衛將軍制

勅具官王知道等我有寶臣作鎮邠土伯氏仲氏鼎峙於

列藩乃子乃孫昭合於當代宣彼忠力屏予沖人方將仗
之冀靜紛擾開懷以待有請必俞今復上章來陳內舉願
以屬郡俾知道分憂推其赤心請知勲入衛言觀爾志式
慰我心況聞訓勗甚嚴砥礪甚正旣孝以事父必忠以事
君忠孝存焉君臣一也良二千石與大將軍榮爾閨門列
吾禁旅並兼揆路仍亞台司吾於勲賢斯謂臻極唯爾父
子享吾恩榮慎圖始終以保富貴可依前件

授齊遵謀等左龍武將軍制

勅具官等 遵謀等官之設所以毓材勸能也苟不當其選

安闕一
字

以假吾所器而滯爾來者今命爾遵謀命爾瑤冠
蟬冕橫佩刀爲左右龍武將軍所以昭勲庸之嗣而用其
無瑕者也浩與齊虔久聞罷免各旌勤瘁且振淹滯並升
環衛之嚴俱委腹心之寄用明激勸往服恩榮勉務進修
以圖光大可

授太子賓客王牘等諸王傳制

勅具官王牘等朕聞王者之子在襁褓中置三公以教訓
之由古道也我思成人以來邁此多難師訓之義蔑焉闕
聞南面稱尊愧於寡昧由是言念諸子用疚厥心因擇正

人爲之傳導今丞相言爾牘等並老於文學雅有德行明君臣父子之道知禮樂詩書之源可使高步承華入參望苑琢磨羽翼朕有冀焉或授正卿或加峻級宜旌優典往傳童蒙邪蒿鮑魚勿俾登俎胄筵講肄爲惜分陰使其知東平爲善之規喜王褒洞簫之賦承萬代之業固磐石之基斯賴於老成人也可依前件

授郭保嗣德王傅依前通事舍人等制

勅具官郭保嗣等資相法儀宣明號令序駕鸞之行綴整珩珮之威容蔽事申嚴罔不賴爾予聞舊制常俾兼官用

獎勤勞以示優假今保嗣等其勤至矣厥官罷焉宜舉彝
章許之序進矧大勲之後舊將之家尚鑒寐以求思豈淹
回之不恤兼八座以傅子愛子亞九卿而立我明庭勉揚
休聲茂對殊寵可

...

...

...

...

...

...

...

...

...

欽定全唐文卷八百三十八目錄

薛廷珪

二

授盧光啟等遂王友制

授前河西防禦押蕃落等使馮繼文檢校工部尚

書依前充河西防禦招撫等使制

授鄭璩等諸州刺史制

授李充等諸州刺史制

授梁思謙龍州刺史竹文晟成州刺史等制

授朱謙等諸州刺史制

授翟州刺史張績等加官制

授王宗夔宗韜邛漢二州張無息蜀州刺史等制

幕職趙儒等加官制

授温潞湖州防禦判官李壇湖州防禦推官霍銖

絳州翼城尉等制

授澧朗團練副使徐罕檢校郎中賜紫奚承弼鄆

曹判官制

授鄜州判官王堅檢校兵部尚書王彥懷翟州長

史程佩思州司馬制

授于荷雙流縣令制

湖州烏程縣尉李忠等授官仍量畱等制

授孔競陰平縣令張標湖州錄事參軍王振蓬溪

縣令等制

授朱克柔張戎等加階制

授劉處宏通議大夫內仕

監充客省副使制

授內官劉益謙加官制

授內官晏希伯加官階制

授內官張居翰等加官階制

授內官馬從朗加官階制

授學士郅文晏將軍金紫光祿大夫制

授內官王可方加官階制

授內官馬昌裔加官制

授內官張禹珪加官制

授內官孫昭裔加官制

擢行密妻朱氏進封燕國夫人制

朝散郎江西提舉汪遠除禮部員外郎制

贈太尉葛從周神道碑

冊德王爲皇太子文

冊益昌公主文

冊

欽定全唐文卷八百三十八

薛廷珪

授盧光啟等遂王友制

勅君子之風尚摧秀木陽翟之俗必誚秦人古嘗病之今孰免者爾光啟洎贊皆以麗藻雅文獨行當代孤標清峙見譽名臣丹青翰墨之林舟楫文章之海道之將至論者許焉屬爾良知懼其貝錦惑予觀聽罷去鈞衡爾光啟等咸被指名置其連坐無辜去國吞恨投荒而聞流落五年窮達一致書空永歎問鵬何之人實有言用懷愧恧雷雨

作解日月無私今也其時吾將補過徵還朝列將復亨衢
階序徽章因仍舊貫光故洎贊知子意焉可依

授前河西防禦押蕃落等使馮繼文檢校工部尚
書依前充河西防禦招撫等使制

勅廼眷西梁爲吾右地襟帶河曲屏制蕃使厥土豐穰其
俗信厚委之鎮撫率仗勲勤不有奇材孰膺妙簡具官馮
繼文傳符圯上擅價山西敦詩書設預備之謀修禮樂爲
戰爭之器能知軍志雅有戎容明斥候而辨孤虛恤士伍
而愛君子決戰百勝彎弧六鈞動惟鷹揚靜則山立乃者

仗其韜畧錫以土疆旌旗啟行虵豕當路旣沮已成之命
能安靜勝之謀欽屬久勞名器斯在爰昇喉舌再統貔貅
復我舊恩成爾夙志防禦西夏控壓三州爾其敷我憂勤
宣我教化無禮必敗好戰則亡戢兵而善撫疲人殷備而
自求多福祇予恩寄佩我訓詞報政可觀陟明斯在可

授鄭璩等諸州刺史制

勅具官某等總六尚於瑤墀分一麾於劍閣時之妙選我
有人焉以肱代濟科名業傳儒素弱齡勤苦壯歲遘迴本
推讓以待時竟漂零而從宦凌雲之稱徒見譽於公卿棲

棘之悲且未伸於霄漢以璩聯芳鼎族歷試宦途使星屢
 應於旁求卿月再當其茂簡朕方將左蜀坐委信臣言爾
 有材可使共理亦聞操剽雅適變通俞其奏章是乃良牧
 惟茲殿省及爾郡符勉承刈楚之恩各勵業官之志眷言
 郡政在去煩苛俾我遠人再蘇皇化在璩之此行也得不
 勉歟可出典歟
授李充等諸州刺史制
 勅具官聞爾充公相令子敦書業文有德守行科第好爵
 公論許爾如拾地芥而孝於事親志在祿養束書投筆甘

從下僚縉紳之倫服爾異行逼之名器其心確然且曰親
念其兄官未達采蘭負米願悅晨昏而允祁節著勤王功
高捍患心如皎日節貫秋霜屢委郡符猶同畫餅忠臣孝
子朕不敢忘勸善獎功於是乎在海隅之郡各徇乃心嘉
我遠人今得良牧勉於從政豈俟訓詞各敬乃官無忝休
命可依

授梁思謙龍州刺史竹文晟成州刺史等制

勅成紀要衝江油與壤皆爲重地今實優賢擇其守臣必
有所謂以爾具官梁思謙等負通變之材蘊縱橫之術見

可而進頗習於武經聞善若驚暗合於儒者或從奏薦或
 恤滯淹戀我者移其一麾致之近地阻兵者換其五馬惠
 彼疲人各俾分憂勉思布政清賢繼踵惠化洽聞苟奉成
 規是為良牧惠茲惇獨往歌袴襦文晟思謙服我明訓無
 忘勤恪戒於煩苛黜陟幽明典憲斯在五兵五教仍以假
 之可不煩法傳善樂也然吳平并武開之極合師以公嘉
 高昇授朱謙等諸州刺史制 是得符節同畫輪忠且朱
 勅朱謙等以謙一心許國四面受敵忠勇既完心城甚固
 而陽言從征戍亟効勤勞淹留屢變於瓜時辛苦未歸於

汶上惟鈺言罷百里承乏一麾亦聞政聲可使共理朕每
思達聰明目以臨御寰瀛仗予有土之臣爲我求人之瘼
樂得良牧惠茲遐方並俞奏章各委頒瑞惟爾謙等欽予
訓詞罔難惇嫠罔冒貨賄式遵典憲阜安遠人天聽甚卑
愆則有辟可謂不古微者來於中允忠於具官王宗夔

授翟州刺史張績等加官制

勅鄜之連帥以金紫光祿大夫前新州刺史虞戀來告我且言績等
臣以銀青光祿大夫前新州刺史虞戀來告我且言績等
求瘼分憂居其所部訓戎莅俗政有可觀欲人聳求理之

心請我行陟明之典茲爲急務聞斯行諸邦教夏卿國之
崇秩爰詔執事分而授之咨爾二臣膺我並命循名責實
得不勉之可

授王宗夔宗韜印漢二州張無息蜀州刺史等制

勅廣漢上腴臨邛古郡眷求牧守允屬忠勞具官王宗夔
等或鶚立轅門或鷹揚玉帳負偃革銷金之術蘊經文緯
武之機贊我蓋臣鎮於全蜀旣練軍志仍通政經干將溢
匣而有聲騏驥追風而絕跡今俾爾分吾憂寄養我黔黎
爾宜拔薤推心掛魚潔已勿爲重斂戒在虔刑務復憲章

無取禍亂允祁奚之內舉撫文翁之舊封敬服訓詞勤恤
人隱而無息亦佩專城之印往俞連帥之求無忘酌泉勉
務爲政黜陟之典朕不敢私惟爾三臣礪乃一志與我共
理期乎有聞敬之戒之自求多福可各宜煥之下於前
開其制 幕職趙儒等加官制 請各命其奏章各於前
勅具官趙儒等或以言罷兼官或以來陳厥貢俱懷吏幹
思振宦途即俞所陳各徇其請珥貂佐郡咸謂殊恩宜思
舊章往佩殊寵可依前件

授温潞湖州防禦判官李壇湖州防禦推官霍銖

絳州翼城尉等制

勅具官溫潞等以潞常佐元戎有聞東魯會計參畫聲猷
藹然以壇宗室菁英詞場秀造撫青雲而抗足丁艱運以
隱鱗跡滯江湖價高甲乙方從梗泛言奉弓招贊我勲賢
開其淹恤而銖亦以將命頗謂有勞俞其奏章各俾序進
星郎侍史洎尉于縣屬者服我恩命各宜勉之可依前件
授澧朗團練副使徐罕檢校郎中賜紫奚承弼鄆
曹判官制

勅具官徐罕等通材應聘利刃從軍贊畫允臧吐茹得所

伸於知己達我聽聞今朗陵汶陽方纏兵革式佇和寧之

報尤資樽俎之謀星郎柱史洎紫金之命則其二句俞奏

薦各懋寵光勉酬所知共偃兵革無屑於蚤暮也可依前

件代各臣奉表而請知其制式論以章服吾不謂無係於

授鄜州判官王堅檢校兵部尚書王彥懷翟州長

史程佩思州司馬制美齋人

勅迺眷雕陰仍歲征討厥土既堵其人用勞誠節是圖貢

輸無怠而堅等能奉連帥來為使臣不有超昇孰旌優異

五兵重秩式耀賓階下與夫進典午承郡之榮者皆拔茅

連茹之謂也可依前件與夫典于丞相之榮皆皆亦

授于荷雙流縣令制

勅具官某等嗟乎爾荷丞相之子也棲遲府縣汨沒風塵

美蔭成蹊孤根委地矧吾戚屬茲用軫懷聊効牛刀式遂

雞口顏而下則轅之門吏也自陳去職久困家食俾佐方

州各均祿仕而荷峻其階序飾以章服吾不能無私於親

親之道也可依前件

湖州烏程縣尉李忠等授官仍量畱等制

勅具官某等青社雲溪之守臣各修職貢俾爾來朝實冒

險艱所宜酬獎有以兼廷評之命而許畱於官有以移掌
庾之秩而與夫掾臨海者皆遂爾畫錦之榮也可依前件
授孔競陰平縣令張標湖州錄事參軍王振蓬溪
縣令等制

勅孔競等或連帥奏請或郡守薦揚或勞績可稱罷免斯
久能自陳列動我聽聞宰邑糾曹皆其任也可依前件
授朱克柔張戎等加階制

勅具官某等外諸臣有政事可以稱家父位尊功大不求
聞於時者可謂能處其身而協進趣之道矣而師保元勳

燕居轂下以遺落之才廣朕聞聽亦深得大臣之體裁惟
茲二事朕實樂聞爾克柔能以政經葺吾舊許薰人蒞俗
遠至邇安而戎前佐大藩休有淑問盤錯斯驗鋒銑有餘
或嘉韜櫜之心或允求伸之志大臣子弟朕豈無私元勲
薦揚朕豈不信上公進律少將通班階序徽章旌別優異
惟爾克柔與戎宜知朕寵待沐帥全忠與太保銓之意而
勉於從政立朝也可依前件

授劉處宏通議大夫內侍省監充客省副使制

勅內省華資司賓重任宮朝之選歷代攸難我今得人爰

舉茂典具官劉處宏冰霜勵操松桂騰芳弄筆硯以飾躬
考詩書而勵行遂爲端士自闢亨衢在公馳幹事之名銜
命得使臣之體輩流推許達我聽聞宜示優恩以旌修整
況遐方即序重譯來庭尤思周敏之才用副綏懷之旨兼
榮內省仍進崇階敬佩寵光往共乃職可依前件

授內官劉益謙加官制

勅具官劉益謙惟爾參我樞近之務副我腹心之求允謂
才難克彰試可委任斯重端莊有聞冰清繩直潔已莅事
數馬而對問樹不言稽爾秉持稱吾宥密是用升之峻級

寶定全唐文 卷八十一
寘彼崇班且酬職勞式示優寵宜保優異勉圖始終敬慎
不愆必致遠大可依前件

授內官晏希伯加官階制

勅內官晏希伯內外之任必惟其人遷擢之恩允屬試可
以爾南圭無玷東箭有筠山明見松雪之姿天靜聳嵩衡
之勢詩書內積儒雅外彰聞其恭勤可委事任階秩並進
睠矚斯深勉服寵光往勵職業可因宜示勸恩以敦勗盛
授內官張居翰等加官階制
勅具官張居翰等守道立身執中事我造次不違於善行

錙銖必本於典章藏器未伸彈冠待進吾今知爾爰用加
恩升階序而遷品秩振堙沉而示恩澤唯爾居翰勉於致
身往服寵光匪懈夙夜可

授內官馬從朗加官階制

勅設階陞所以示堂奧之嚴正品秩所以明躋陟之漸也
率由次第以序忠良苟當其人吾必與進爾從朗止水藏
鑿壺冰孕清蹈禮樂以修身耽詩書而養志夜親墀廡拱
辰之列宿分華曉近冕旒捧日之卿雲配潤動必中矩行
無越思厯試可觀序遷惟允九重華省三品崇階用酬爾

勞往馭其貴惟爾從朗服吾寵光立事檢身所宜匪懈可
授學士郅文晏將軍金紫光祿大夫制必中
勅國家設翰墨之林延髦碩之士以潤色鴻筆發揮王猷
妙選內官修辭立誠者以與我言語侍從之臣朝夕遊處
膺是簡拔實惟重難而具官文晏常夢綵毫亦吞文石富
有事業志於討論孔光之問樹不言石慶之數馬而對濯
濯春柳風標迥出於輩流落落長松節槩不移於霜霰自
擢居密署言奉詞臣所爲當材且聞稱職縻之好爵貴則
號其將軍峻以崇階勲莫重於光祿敬承寵渥往蒞清華

率由此途以至崇達惟爾文晏得不勉之可

授內官王可方加官階制

勅出膺使命入奉宸嚴惟茲簡求允屬心膂爾可方將命而去成功以還別利器於盤錯之間驗絜矩於脂膏之際試可斯驗愿吾愛之俾其序遷並謂至當徵還內省冠以豐貂惟爾可方勉圖懿效可

授內官馬昌裔加官制

勅昌裔參我樞機奉吾指顧能慎密以植志端莊而飭躬動畏四知潔無貳過委注斯久霜雪不渝職勞可酬序進

惟允升其階秩示以優崇爾往莅之益敬其事罔懈砥礪
稱予渥恩

授內官張禹珪加官制

勅張禹珪本以端莊飾之儒雅鵬鸚負橫秋之勢梗柗擢
構厦之材蘊是器能在于左右厯試事任亟涉光陰聞其
恪勤宜示優獎階級秩序俾之俱遷服我新恩保爾懿效
雖覆一簣古人有言爾宜知之勉自勗率可

授內官孫昭裔加官制

勅昭裔干鏌鈇鋒驕騶逸步文之以禮樂飾之以詩書白

玉無瑕朱絃讓直拱我宸極粲如華星慎爾樞機不對溫
樹歷試茲久其才益彰移之崇班加以峻級且旌優異用
激端修敬怠不同崇高可致惟爾昭裔知予意焉可

揚行密妻朱氏進封燕國夫人制

勅具官揚行密妻朱氏作嬪藩翰宜爾室家六媼以寧四
德具美俾我行密爲吾蓋臣統戎有方迷職無怠繫爾輔
佐致之輯柔慶澤所加序進惟允全燕列壤大國疏封式
示寵榮以旌賢淑可進封燕國夫人

朝散郎江西提舉汪逵除禮部員外郎制

勅具官某難進易退賢士之操也爾某議禮容臺浸有休
問汲汲焉以外服為請雖畱行不顧也將指奏公亟頒召
節則舒遲累月翔集可觀是不謂之士操歟郎闈之選南
宮最清往其欽承踐修爾學可

贈太尉葛從周神道碑

闕二包犧設教畫卦闕八字 弧矢於焉利用闕二字 二闕五字 蓋

殷周之前將相共柄洎秦漢之後文武殊途至若綱紀彝
倫範圍庶品闡揚至理崇樹鴻猷則用武之闕三字 獨濟若

夫撥亂反正闕五字 衛闕二字 勲濟王闕一字 則闕七字 諸至於大

義至公開物宏務感召和氣庇育羣生其揆一也夫物窮

則變否極則通時雖類於循環事闕三合闕二雕虎闕八

而闕五理闕八方勘定遂生翦起韓彭扶丕闕一以凌霄

翼真人而御極風雲之會影響無殊闕六之期闕五帝應

闕十豕於大田斷修虵於廣陌則有故昭義軍節度澤潞

等州觀察處置等使開府儀同三司檢校太師兼闕三潞

州大都闕二十焉公諱從周字通美其先濮州鄆縣秦邱

里人也禮也曾祖阮祖遇賢父簡贈兵部尚書惟公世方

管晏緒接神仙負山闕二十勵越石著鞭之志生知韜略

時合孫吳韋弦淡爾而酌中文武居然而兼備素業唯觀

於大略壯圖潛闕三十以騰驤鵬鶚在天而闕三家刑國

鵠文兆忠孝之名原始要終血字表公侯之分實為天縱

字闕六自太祖闕二十之鋒於是附鳳攀龍策名委質伐蔡

之役戰酣太祖皇帝闕三之變時闕四公奮闕二十谷之

隻輪不返而又青兗三寨鯨鯢萬人勦戮無遺輜重皆棄

鞏約面縛而授首闕一唐魄闕六赤闕四濮闕二十齊山

僵尸蔽野以功闕一檢闕二部尚書時溥復統全師碭山

下寨康村接戰全軍闕九返又轉檢校刑部尚闕二十通

上黨蕃戎喪膽闕五改授懷州刺史屢立殊勲繼膺賞典

又假吏部尚闕二累遷闕三州刺闕六使闕二十落落領

二千騎闕五馬步二千殺戮殆盡生擒落落奪馬三千又

殺蕃闕二汗闕五自闕三十後尋授節旄假闕五昭義兩

使畱務蕃軍周揚五之眾結寨連營去闕十俄而闕二十

而身先幽滄克闕五乃授宣義軍行軍司馬俄代丁會入

潞州俘戮闕四下凡經八日納闕五加檢校司徒又入

井陘攻討并部降李洪範已闕六兼加徐州闕三氏闕二

致力闕九中邁沉痾於邊上明年青齊之眾復陷兖州

闕三 戎捐軀濟難太闕四加太子太師食邑二千戶闕二

之念勲勞乃睠疾恙爰降優禮闕十旌頌之闕五別墅闕三

字 山恩異闕七代末之有也俄而美疹滋深醫和弗療天

闕二 遺人之云亡恨狠闕一之闕一尚存指為闕十江淹

之筆闕十勒闕四即以闕四十月三日歸葬於偃師縣毫

邑鄉林南里之別墅贈賻贈含君恩闕十尉有子五人闕九

字 夫檢校闕一部尚書闕四將軍同正不仕次曰彥勲金

紫光祿大夫檢校兵部尚書前守洪州別駕不闕一次闕十

二 尚書刑部員闕二尚書守左驍衛將軍次曰彥浦殿前

受旨銀青光祿大夫檢校太子賓客驚闕十克闕二十英四字

飛龍使充西京都監銀青光祿大夫檢校尚書左僕射守

左武衛將軍闕二十孔循闕十司徒左威衛上將軍連榮六字

貴戚迭照閨門玉鏡臺前匪獨推於闕二十兼闕十禮以七字

竭情臨襄事而銜恤始終部分薰灼一時斯又見天闕一

照答之重杳也皇帝臨軒軫悼撤闕一廢朝闕十

伊昔皇唐運終百六兵革闕二十其闕二我梁受天明命二字

間生材傑克靖災眚武德孔昭和闕十其闕十戰酣馬逸二字

土失銜勒下車策之傷面克敵其青兗三寒鯨闕二十其六字

凡茲大勲傑出十亂炳若丹青著於史傳

闕一字

外畏威

闕十

一其闕十增闕三字

飛蝗越境猛獸遁去軍食衿服盈羨廂

庾其六統衆出師寬猛相濟

闕六字

照

闕十其六字七

悠悠丹旒軋軋

輜車萬人之敵六尺之軀譬如石火去似隙駒

闕四字

誰其

問諸

其闕七八字

秋露如珠灑君

闕二字

平生氣豪命世功夫金

瘡猶在脛肉永枯

其九

邛山之隅

闕二字

之裔許國壯心磨天

逸勢威聲

闕二字

昏衢迢遶長辭魏闕永謝明世

其十

冊德王為皇太子文

維乾寧四年歲次丁巳三月癸卯朔十七日己未皇帝若

曰夫立愛惟明建善則固先王茂躅有國不圖承祧仰鏡
於前星守器式當乎長子遐瞻載籍眇覲洪荒雖步驟隨
時質文異制逮於傳序罔不率循國家高視百王同符三
代平一區宇統和人神垂三百年歷十八葉暨朕寡昧祇
荷景靈屬天步艱難岱宗牢落蒸人未乂舊典爰曠庶尹
卿士藩輔元僚思正儲闈式固鴻業咨爾長子德王裕象
叶增構明啟少陽溫文在躬睦友成性博聞強識無愧於
老成學禮讀書庶資乎師訓迺輯羣議爰咨舊章是用命
爾爲皇太子嘻毓問承華重輝望苑永貞萬國明照四方

入則有師出則有保無怠三善往崇四術務親正人誠近

邪僻淑慎爾止峻防所歧

一作攻

勉植厥猷罔墜丕訓

冊益昌公主文

維乾寧元年歲次甲寅十月庚申朔十四日甲子皇帝若

曰粵昔漢頒魯國魏錫常山繇鍾愛以分封亦旌賢而別

壤前王茂典歷代成規朕今嗣守不敢失墜咨爾第七女

蘭芷芳猷肅雍懿範坤順之性體於自然天倪之資稟於

陰教不明爾德孰慰我心爰稽舊章俾率彝訓乃疏湯邑

仍錫粉田所以示鳩鳩均養之仁樂螽斯宜爾之慶夙興

夜寐無忘女史之箴下氣怡聲勉習家人之禮女儀婦道
可不慎與